

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus V. De objecto S. Theologiæ.

[urn:nbn:de:hbz:466:1-73455](#)

conc. quomodo inquit, nego. sed principia nostra Theologia dependent &c. aliquo modo, conc. cum omnibus requisitis, nego min. & consequentiam.

Inferes ex dictis contra Gonet. Nostram Theologiam non esse propriè subalternatam fidei: neque Theologiam Beatorum scientiarum visionis, quia & fides ad nostram Theologiam & scientiam visionis

ad Theologiam Beatorum se habent, sicuti habitus primorum principiorum ad alias scientias, sed iste non propterè sunt scientiae subalternatae: ergo nec illa. Multò minus admittendum est, quod nostra Theologia subordinetur Theologiae Beatorum; cum sit unus idemque formaliter habitus, ut mox dicetur.

ARTICULUS V.

De Objecto S. Theologiae.

S U M M A R I A.

1. Explicantur notiones objecti formalis, materialis & adequati.
2. Deus virtualiter revelabilis est objectum formale quod Theologia.
3. Ratio formalis que est Deitas.
4. Ratio formalis sub qua est virtualis revelatio.
5. Objectum materiae Theologia est ens virtualiter revelatum.
6. Quo sensu Apostolus dicat, se judicasse, se nihil scire, quam Christum Crucifixum.
7. Non omni adequatio constituit objectum adequatem formale.
8. Quomodo Theologia probet, DEUM esse?
9. Ad demonstrandum sufficit causa virtualis,
10. Definitio Theologia Scholastica.
11. Est Sapientia.

§. I.

Objectum formale & Materiale S. Theologiae statuitur.

1. Notandum, Objectum Theologiae, sicut & alio-
rum habituum, dividitur in *formale*, quod per se consideratur & attingitur à Theologia, & in *materiale*, quod attingitur ratione alterius. Formale dividitur in *formale* quod seu *terminativum*, & in *formale* quod seu *motivum*. Formale quod terminativum est, ad quod per se terminatur habitus, & ad omnia alia propter ipsum (logici vocant objectum attributionis) & quia ipsum adaequat intentionem habitus, recte objectum adaequatum dici potest. Id quod in isto objecto per modum abstractæ formalitatis per se primò attingitur, appellatur *ratio formalis qua*; sicuti naturalitas in corpore naturali, quod est *physica* objectum adaequatum, est ratio formalis qua. Objectum formale motivum, quod apud logicos etiam vocatur *ratio formalis sub qua*, est certus modus, & ratio sub qua vel per quam objectum attingitur, quem in scientiis appellamus esse *scibile*, seu modum scibilitatis, & in naturalibus scientiis solet esse connexio principiorum cum certa abstractione à materia. Objectum adaequatum seu formale quod in scientiis etiam appellatur *subjectum*, quia de ipso in conclusione demonstrantur propria passiones. Objectum materiale adaequatum est, quod complectitur omnia contenta in habitu, & à Logici appellatur *objectum communis*, seu *predicationis*, quia de omnibus in habitu contentis prædicatur in recto. Quibus positis sit.
2. CONCLUSIO I. DEUS ut virtualiter revelatus est objectum formale quod & adaequatum

Theologie: (2.) ita ut DEItas sit ratio formalis que (3.) virtualis revelatio sit ratio formalis sub qua. Ita communiter Thomista ex S. D. a. 7. Scotus q. 3.

Prima pars, præterquam quod ex ipso nomine Theologia pateat, probatur hæc ratione S. D. Illud est objectum formale quod, sive adaequatum Theologiae, de quo per se tractat Theologia, & de quibuscumque aliisratione ipsius: sed Theologia per se tractat de DEO: & (ut hic S. D.) *Omnia per trahuntur in Sacra doctrina sub ratione DEI*, vel quia sunt ipse DEUS, vel quia habent ordinem ad DEUM ut ad principium & finem: ut Angeli, Incarnationis, Sacramenta, actus humani eorumque principia &c. ergo.

Confirmatur primò. Ratione Scotti q. 3. n. 7. Primum objectum alieijus scientie debet virtute continere omnes veritates illius scientie, sed omnes veritates Theologicas non nisi DEUS continet, ergo solus DEUS est primum, hoc est formale objectum Theologiae.

Secundò. Nobilissima scientia debet habere nobilissimum objectum specificativum. Theologia est nobilissima scientia: ergo DEUM debet habere pro objecto specificativum.

Secundæ partis ratio est: Theologia vel considerat DEUM per se primò ratione aliquis attributi, vel ratione Deitatis. Non ratione aliquis attributi, tum quia haec consideratio efficit nimis angusta, tum quia omnia attributa resolvuntur in ipsam DEItatem tanquam virtualem causam & rationem à priori: ergo considerat DEUM per se primò ratione Deitatis: quippe quia propter se attingitur, & omnia alia propter ipsum, tanquam causam formalem vel virtualem.

Tertiæ partis ratio est: Ratio formalis sub qua 4. est illa formalitas, per quam scientia in modo tendendi per se primo distinguitur ab omnibus aliis, sed ita se habet revelationis virtualis in Theologia, ergo. Min. probatur: Theologia non potest DEUM considerare sub lumine purè naturali, & quatenus ex creaturis cognoscibilem; sic enim non esset S. doctrina, quia fides saluberrima lignitur nec foret distincta a metaphysica.

Neque secundò sub lumine glorie; quia haec est scientia visionis propria patriæ: neque sub immediato lumine revelationis obscuræ; quia hoc modo non efficit discursiva scientia, nec distinguatur à fide: ergo tantum potest DEUM considerare sub mediato lumine revelationis, quod ipsum appellamus revelationem virtualem, & nihil

hil est aliud, quam vis & efficacia discursivè inferendi conclusiones ex principiis fideli formaliter & immediatè revelatis, in quibus illæ tanquam in femme & radice virtualiter continebantur; ita ut proxima ratio assentiendi conclusionibus non sit testimonium Divinum, sed connexio præmissarum.

§. CONCLUSIO II. Objectum materiale adæquatum Theologia sunt res omnes mediate & virtualiter revelata, seu ens virtualiter revelatum.

Ratio est: objectum materiale & adæquatum extensivè est, quod in se adæquatè recipit formam rationem sub qua, & totam extensionem seu terminacionem habitus adæquat; sed ens à DEO virtualiter revelatum subest virtuali revelationi, ut ex terminis patet, & terminat adæquatè considerationem Theologicam, quia quicquid infertur per Theologicam conclusionem, est virtualiter revelatum: ergo.

§. II.

Solvuntur Objectionis.

Obijc. primò. Apost. 1. Cor. 2. negat se scire aliquid nisi Christum: ergo porcius Christus est objectum Theologiae: Resp. Apostoli sensum est, quod Corinthiis nihil aliud predicaverit, quam Christum: quia alia non erant accommodata ipsorum laici, unde non dicit, nihil aliud scivi, sed non judicavi me aliquid scire inter vos.

Obijc. secundò. Illud est adæquatum objectum scientie, cui immediate convenit & adæquat ratio formalis scientie, sed hæc adæquat enti virtualiter revelato, unde & S. D. in prol. sent. pro objecto Theologiae posuit ens Divinum per inspirationem cognoscibile, hoc est virtualiter revelatum.

Resp. absolute neg. maj. quæ verificari etiam potest de objecto materiali, cui ratio formalis alienus habitus adæquat, non quidem per attributionem, sicut objecto formalis, benè tamen per extensionem. S. Doctor autem in loco allegato non de objecto formalis quod, & adæquo intentive, sed de objecto materiali circa quod & adæquo extensivè locutus est,

Obijc. tertio scientia non debet probare, sed supponere suum objectum, atqui Theologia probat DEUM esse; ergo DEUS non est ipsius objectum. Resp. neg. min. neque enim Theologia per se probat existentiam DEI, ut authoris supernaturalis, sub quâ tantum ratione Theologia obijcitur: &

ARTICULUS VI.

De reliquis genericis & specificis prædicatis Theologiae.

Plura Theologiae prædicta controversiam subuent. Sitne habitus naturalis an supernaturalis? num speculatorius vel practicus? an certior omni scientiâ naturali? an in hereticis vel beatis maneat? An habeat atomam unitatem? Singulis quæstus per totidem §§. Satisfiat.

SUMMARI A.

Supernaturalitas Theologiae.

1. Theologia est habitus non intrinsecè, sed extrinsecè supernaturalis.

R. P. Mezg. Theol. Schol. Tom. I.

licet initio statim DEUM ut authorem naturæ probat, id tamen facit ex principiis extrinsecis & metaphysicis.

Obijc. quartò. Si DEUS esset objectum Theologiae, tunc Theologia deberet de DEO demonstrare proprietas, sed non potest demonstrare: quia quid quid in DEO est, est ens à se, nec habet sui causam. Resp. neg. min. prob. dist. quicquid est in DEO, non habet sui causam formalē conc. virtualem neg. hoc autem sufficere ad rationem scientiæ constat exemplo metaphysicæ, quæ de ente demonstrat proprietas non per causam formalē sed virtualē.

§. III.

Corollaria.

Inferes ex dictis primò. Theogiam sic rectè. 1. definiri: Est scientia acquisita, quæ è principiis divinitus revelatis, & pro hoc statu via creditis, de DEO rebusque divinis conclusiones deducimus & demonstramus. Dicitur primò scientia, ut art. 2. probatum ad distinctionem à fide, opinione, & aliis virtutibus intellectualibus. Dicitur secundò. Acquisita, ad distinctionem Theologiae mystica, & domini sapientiæ divinitus infusi. Tertiò ex principiis revelatis. Unde est radicaliter & originativè supernaturalis, & distincta à scientiis naturalibus. Quartò, pro hoc statu creditis: quibus ostenditur invenientia Theologia non essentialis, sed accidentalis, non privativa sed negativa; quippe proveniens non ex Theologia ipsius intrinseca exigentia, sed ex conditione statu via: Quintò. De DEO, rebusque, divinis, quibus indicatur objectum tam materiale, quam formale quod Theologia. Sextò. Conclusiones deducimus, ubi assignatur ratio formalis sub qua, nimirum virtualis revelatio, sive illa discursiva connexio inter duas præmissas revelatas, vel unam revelatam & alteram naturalem, que formaliter intellectum movet ad assensum conclusionis.

Inferes secundò cum S. D. hic a. 6. Theogiam II. esse sapientiam, qui considerat simpliciter altissimam causam totius universi, quæ DEUS est, non tantum secundum quod est per creaturas cognoscibilis, sed etiam in quantum est à se ipso, & solo connaturaliter ab aliis autem per communicationem cognoscibilis. Unde etiam S. Theologia judicat de principiis omnium aliarum scientiarum, & se super sua propria principia reflectendo, illa contra impugnatores defendit, quod est proprium sapientiae.

B 2

7. Theor.